



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De theoderico & Bernardo monachis, qui ob visionem vnius veniae in
sepultura mortui, conceperunt conuersionem, cap. 21.

urn:nbn:de:hbz:466:1-13177

xare dignaretur conuerzionem, cuius in seculo periculosa esse considerauit habitationem: nouerat pueros à suo proposito facilè posse auerti. Attendens pius Dominus, pium monachi circa germanum studium, cordi Abbatis immisit, vt puerum susciperet, quem infra annos, sine officij sui periculo, suscipere non potuit. Ea nocte qua habitum induit, quidam ex sacerdotibus huiusmodi visionem de illo vidit. Videbatur ei quòd matrona pulcherrima ante ostiū monasterij staret, & puerum pulchrum in brachijs teneret, a quo interrogata cuius esset puer ille, respondit: Filius illius monachi est, fratrem eius nomine designans, simulque nomen nouitij intrantis exprimens: & sicut ipse intellexit, qui hanc visionem vidi, ipsa matrona pulcherrima, beata Dei genitrix fuit. Secundum Apostolum; Qui alium verbo vel exemplo ad bene viuendum informat, hunc profectò tanquam proprium filium Christo generat. Quod autem eundem nouitium venerabilis virgo Maria ad ostium monasterij, quasi mater filium, dignata est præsentare, dedit patenter intelligere, eius conuerzionem prædictum monachum suis orationibus per eius magna merita obtinuisse. APOLLONIUS: Satis ex his cognoscō virtutem orationis, supereft ut cognoscam & virtutem, quæ est in exemplo religionis. CÆSARIUS: Hoc scias, quia multi quotidie sine exhortatione sermonis, nullis specialibus adjuti orationibus, per sola exempla religionis ad ordinem trahuntur, & per quædam signa deuotionis, disciplinæ, vel sanctitatis, quæ vident, conuertuntur.

I. Cor. 4.
¶ ad
Philem,

CAPVT XXI.

FRATER Theodoricus monachus noster, cùm Exemplis adhuc adolescens esset in seculo, sacerdotē quē-
dam cognatum suum iam nouitium visitare ve-
nit; sed non ut conuerteretur venit. Contigit interim fratrem mortuum sepeliri, quo sepulto, cùm conuenitus dicta Antiphona, Clementissime Domine, circa sepulchrum hinc inde cum multa humilitate, veniam peteret, diceretq;: Domine miserere super peccatore;

ita est compunctus, ita ad conuersione est accensus, ut qui prius a Domino Geuardo Abbe admonitus, conuerti noluerat, ab illa hora vt susciperetur, vix multis precibus obtineret. Talem modum suæ conuersione sæpius mihi recitauit tempore suæ probationis. Recitauit mihi & frater Bernardus monachus noster in Vilario monasterio, ad visionem similis veniæ primùm voluntatem conuertendi se concepisse.

APOLLONIUS: Miror quod res tam modica tam magnum salutem operatur in anima. **CÆSARIUS:** Quid de hoc miraris? Quantum ad massam, multum modica est pillula, sed quantum ad efficaciam, virtus illius est maxima; omnes corporis venas percurrit, humores soluit & ejicit, infirmum ad sanitatem conuertit. Si tanta virtus consistit in perceptione vnius corporalis pillulæ, quare mirari debes maiorem esse, & ideo maiorem, quia spiritualem, in visione vnius veniæ? Audi & aliud.

CAPUT XXII.

NOBLIS adolescens dominus Adolphus, nunc Episcopus Osnaburgensis, canonicus fuerat maioris ecclesiæ in Colonia; hic cùm tempore quodam ad Campum, domum ordinis nostri venisset, & post missam ad orationem in oratorio staret, vidit quomodo monachi, tam senes quam iuuenes, ad universa currentes altaria, ad disciplinas suscipiédas nudabant dorsa sua, humiliter confitentes peccata sua: quæ visio, sicut mihi quidam eius familiaris narravit, tantum boni operata est in corde adolescentis, vt abi-re non posset, sed seculi pompam contemnens, & totū se ad Deum conuertens, ibidem manens, sacrum religio-nis habitum susciperet: in quo tantum profecit, vt non multo tempore post, tum propter nobilitatem tum propter religiositatem, in prædicta ecclesia apicem concenderet episcopalem,

CAPUT XXIII.

NOSTRUM Henricum camerarium nostrum, huius conuersio talis fuit: Cùm esset clericus, & maioris ecclesiæ in Treueri canonicus, atque multis alijs